


王焱
編

日本漢文學百家集 5



YSP
北京燕山出版社

王焱 主編

日本漢文學百家集
5



北京燕山出版社

第五册

東海一漚集 五卷 中巖圓月著 明和元年……………一

草餘集 上中下卷 愚中周及著……………三九一

東海一區集

東海一漚集目錄

卷之一

古詩

五言律詩

七言律詩

五言絕句

六言絕句

七言絕句

贊

卷之二

疏

說

上梁文

銘

卷之三

表

書

記

論

雜文

祭文

卷之四

中正子 十篇

自跋

卷之五

自歷譜

輝東陽偈

宗廓偈

玄理偈

僊竺仙偈跋

東海一漚集卷之一

釋 圓月 著

古詩

謝惠青瓷香爐拜序

物外什公座元昔予與在杭之南屏朝講暮明之
最熟也昨見光賁兼惠以處州爐香片附極慚虛

辱詩以寄謝

寶瓷精緻何處來枯蒼所產良可愛滑潤生光與玉伴
青鑪峙立厭鼎鼎卦文旋轉觀有倫檀片吐香煙藹藹
粟散王國苦亂離十年不見通貨賈江南之物皆價翔

陶器况最難運載藤陰窮僻人不來來者莫非世所廢
柴門剝啄異常聞側耳俄然驚警咳闖窓見之是故人
倉皇迎迓衣抱帶未叙寒暄先咲言南屏到眼橫翠黛
決語殷勤留珍貺物意兼重難為戴木瓜猶足報瓊瑤
我此情懷孰可奈

寄智通講師

昔我十五幼且愚已聞道德香寰區江南回來強三十
訪師松谷谷之隅古貌分明畫羅漢危眉雪頂顏清臞
時遭喪亂凡事廢因循闊遠累居諸昨設微供枉神足
不吾僭越來過吾前輩不似今時俗自然不打樣做模

想像坡仙見喬仙年既八十胸垂胡愧我未老行攜杖
惟師上士嗔人扶

庚午三月東陽和尚書所見詩韻

女兒傭織布日爲家人哺年荒將縮手未忍棄而走粥
技不當直圭撮輕兩疋質窮獲數錢助饋慈母筵

送令侍者時佛光佛國二翁謚號新降

歎氣吹黃埃滿天毒火霾居家猶恐喝行路何當哉道
人心如鐵冒此驕喝來海濱七里沙煖脚炎燄埋波濤
時送風拂面蒸籠開問君何爲爾自甘投火堆祖師新
得謚拜迎豈徘徊命報師恩死生不疑猜我聞於是

語嘆嗟感情懷焉使天下士如君莫違回老吾肝膽謝
作詩忘不才

示僧童道秀

蔗苗地不腴道秀亦何如童穉無攸往昏蒙可擊寧今
年天大旱盈科詎庸需為憐山下水竟弗知所於而矧
若爾輩育德少居諸吾詩有深識似示城南符龍魚各
異志爭敢怪豫且

送惠侍者往防之永興

山房冬景致欲雪常陰晦忽然南牕明兒輩驚且怪上
人惠然來玉質破曖昧袖出越溪楮光滑使筆快老吟

澁寒芋由君俄起廢持去到永興定應菊趣會菊趣定
贖吾未還去年債債欠多少難盡可償菊趣菊趣莫吾
罪

和祖東傳二首

幽幽巖石下獨耕餐秋葩曷云谷口真浮名逐風沙長
安驕兒輩醜顏徒自誇西方有美人德音遠嘆嗟想立
東籬下三噉采其花悠然望無窮遽爾生有涯
遠遠天一方行行窮微茫夢殘孤枕冷寒蟾照屋梁幕
府羅猛士可以守四方念彼秋胡妻采采陌上桑寸丹
千年碧梧桐待鸞凰悠哉又悠哉我懷白眉良

贈涂都料拜序

百丈鼎建法堂天下師表閣繩墨一託南昌涂都料既成詩以贈之

上古未發顛蒙前土處而病木而顛大壯既設憚蒙后風雨不動長安然規矩方圓能視制莊生何爲苦棄捐當時孰敢攬倖指亦有工巧于今傳涂子胸中曲盡數舍其手藝唯心刺左引右杖攜而使其手藝者咸從焉大雄天下師表地故堂淒涼知幾年一朝忽視而皆裂撤去脫招并差椽間架繩墨才展布乃復大義爲重宣耽耽渠渠鞏柱石會看飛詔來九天

和儀則堂韻謝珠荆山諸兄見雷

吾才應無用世情嫌不羈比來亦太嬾天性惟由之落魄隱窮巷從容交卑微尚口焉攸用乃爲時輩疑門無長者車免樞百結衣憶昔頗好事誓書且賦詩乃以爲瑣細問道旁求師圖南託海賈迥涉滄溟瀾颶風揚巨浪萬丈雪山巖燒紙酌天吳擊鉦脅怒螭風定海心清衆寶交珍竒方諸與珊瑚鬪光奪亢箕夜色混天水身若居瑠璃舟子歎乃歇客有洞簫吹始作嗚嗚聲滿座皆無怡漸有容與態聽者同舒眉或復羅尊俎宴久酒味漓或設詩文筵競出囊中錐海賈五百衆各縱其天

資獨予閱幽僻固守無人窺將過白水洋暮到耽羅垂
舉手揖尊者相望隔淥漪緬想徐生舶滿載童牝兒蓬
萊在何許采芝食其蕤回首顧三韓山勢張差池敢近
九龍潭遠拒渦漩危桂林護流求遼水縈高麗轆轤萬
里間一自視平波砥泊昌國東珠玉走相追時予辭海
賈抽身往南嶽誓言得道後歸國化庶黎海賈感斯言
自歎吾何卑江南叢席概布星又分碁禪悅參未飽一
頓思蒿枝足迹半天下中年神已罷一朝取鏡照忽驚
鬢毛稀只可據深林擁葉煨蹲鴟今春出楚徼再遊瀨
水湄久聞金華地風俗淳應嬉振策來靈源一見如故

知淙淙玉礪流青青，祇樹圍脩竹琅玕色。寒梅冰雪肌
良朋寧易得庶乎從爾思物我俱相忘引得幽禽儀勝
境不忍去人情難別離無奈田園蕪胡爲乎不歸况復
粉陰人勸我多云爲獨因諸君厚且緩吾行時吾行時
不拘所欲是便宜雨餘穀江滿一舸輕如飛

贈珣白石

兄自江南來弟欲江南往相逢筇崎西共聽萬松響想
像泛鯨濤飄然入滉漾兄也爲客久心孤憶宗黨此會
良慰情吾弟况個儻相引坐山堂清風拂書幌慙歎問
故鄉山川若指掌舊友皆零落風景不同曩獨喜白雲

師雲深得涵養吾每逢人言所聞轉愴况祇今因弟語
爬著多年癢日晚將登舟告訣心悵悵別離固是惜遊
方亦宜獎

戲贈別源不聞拜序

戊寅冬予寓鮎碧早朝雪晴諸峯玉立作詩將招
旨聞二兄共賞俄見風雪暴驟斜射窓戶乃復掩
扉暗坐點燭終成篇以為贈同發一笑

萬樹敷瓊花千山削白壁此日不題詩決無可題日相
國布金地瑤池清鮎碧此處不設筵何處更開席况吾
二三友事業時無敵此處當聚頭此日豈不惜山風俄